

GUERZEN

SANT MARTIN

DISKAN :

*O sant Martin, doh hou pugalé,
Bras ha bihan diskoeit karanté.*

I

1. Landévantis, ol a galon
Mélamb sant Martin hur patron :
Ean zou hun avokad én né
Hag hur goarnour héd hur buhé.
2. Gañet e oé é Sabari
Ha desaùet é kér ~~Paul~~,
Mes er Frans hé dès en inour
D'en dout ean bet d'aviélour.
3. É gentélieu, é skuirieu mat
E splann dirak hun deulegad ;
Merchein e hrant d'emb un hent ès
Eit en héli d'er baraoés.
4. Deustou ne oé ket badéet,
Rak é gérent oé paiañed,
Iouankik flam en hum blijé
Pedein én ilizieu bamdé.

5. Hui, bugalégeu Landévant,
Karet eùé, avel hou Sant,
Monnet de zeuhlinein liès
É iliz santél hou parréz.
6. Inou abrest é kavéet
En diskemant fur ha parfet
E hrei d'oh hanaùein hou Toué
Hag é lezen a huirioné.
7. Soudard apert épad pemp plé,
E huélamb sant Martin goudé
Divlam é kreiz er skoselleu
E vé ker stank én arméieu.
8. Pautred vaillant, p'en det d'ou tro,
De zihuen doar sakret hou pro,
El don miret divlam dalbeh
Hous inean doh pep lorberèh.
9. Amiapl, tinér a galon
Ean vezé pront d'en alezon :
N'hellé ket guélet en dud peur
Hemb bout truhéus d'ou maleur.
10. E tal kér Amiens, un deùéh,
D'ur héh dén e oé kasi nueh,
E ras un darn ag é vantel
D'er goarn a zoh frim hag aùèl.

11. En noz arleh, chetui Jésus,
Gronnet d'ur splandér burhudus,
D'hum ziskoéin é ziskoé gusket
Get er lod mantel en doé bet.
12. Ha forh joéius, ean e laré
D'en Elet kaèr en hélié :
— « Martin dès reit t'ein er sé-men,
« Deustou n'en dé ket hoah kristen. »
13. E kleùet konzeu er Salvér,
Eit er soudard péh un doustér !
Dilezel e hras en armé
Ha badéet oé hemb dalé.
14. Eurus en dud ou dès truhé
Doh en nissan ér beuranté !
Doué sur ou digolou fournis
Ag en distéran sakrefis.

II

15. Dijabl doh en dud a vrézel,
E kér Poitiers ni gav kent pel
Martin disipl de sant Hiler
Eskob brudet dré er hartér.
- 16 Hanen en devezé timat,
En arben d'é sians hanat

- Ha d'é santeléh aprovet
Reit dehon en urheu sakret.
17. En disipl ne vennas agren
Meit en urheu bihan hemb ken,
Ha sklerdérét a ziarhlué
D'é vro é tistroas difré.
18. Ur chonj en doé bet, chonj gredus :
Gounid é dud de fé Jésus
Gobér d'é dad, d'é vam karet
Dilezel grons er faus douéed.
19. E dad zalhas de vout rekin
Doh konzeu, pedenneu Martin ;
Mès é vam, touchet hé iné,
Er hredas get er vrasan joé.
20. D'er hours-sé ur vanden laéron
Er goalgasas é pep féson :
Unan, é huélet é zouster,
En hum hras menah idan ber.
21. Dirak arfleu hérétiked
E oé hanùet Ariéned
Hur sant ias d'un inezen gouë
Eit pellat doh ou fallanté,
22. O désérh lañ a vourapted !
Inou Martin pel doh er bed

E dañoas peah ha léuiné
E hirvoudein d'en néan bamdé.

23. Mes é galon oé tuem berpet
Doh er Mestr koh doé en disket :
Vennein e hras kent pèl amzer
Biùein hoah étal saut Hiler.
24. Diù leü doh kër en eskopti,
Groeit bean geton un abbati
Léh ma rên un nebed meneh
E hent er vrasan santeléh.
25. A dost, a bèl. é rid nezé
En dud de gouvand Ligujé :
Martin dré nerh é bédenneu
E denn d'en ol peb sort gréseu.
26. N'en dès meit ur voéh tro-ha-tro
Eit er bénigein dré er vro,
Eit kenig dehon en inour
D'en dout karg ihuél Eskob Tour

III

27. Più birhuikin larou bermen
Get pebeh karanté ha poén
E labour en Eskob neué
De hounid ineañeu de Zoué !

28. D'é gonz, er goahan péhérion
Embér zou chanjet a galon,
Ha paiañed kri a vagad
E zilès ou douéed divat.
29. Dohton é sent en deur, en tan
Hag er loñned bras ha bihan ;
Plégein hra d'é hourhemenneu
Er goal-spered, er hlinhuédeu.
30. Bout en dès ur gelloud hemp par
Kerklous én nean él ar en doar :
Haval-é m'en dès bréh Jézus
D'hobér en ol dreu burhudus.
31. É vrud kaer ha memb é vili
En hum streù betag hur bro-ni :
Mar a Eskob a Vreih-Izel
Zou sakret dré é zorn santél.
32. Deit sant Martin d'en oéd kohan,
É kér Kandas é koéhas klañ :
Chetui é zaved get glahar
De gemér eun, de skuillein dar.
33. « Allas ! mar marù hur bugul mat,
« Più, emé-ind, e vou hun tad ?
« Più eldon houiou hun dihoal
« Doh er bleidi ha pep sort goal?... »

34. Er pastor, dous ar é hulé,
E laré ar en dro : « Men Doué,
Ahanon hoah mar hues dobér
Ne zoujan labour na mizér.

35. Mes arriù e oé en termen
Ma oé ret kuitat er bed-men :
E sel troeit trema en nean
De Zoué ean rantas é inean.

IV

36. Nag ur joé vras cit hur halon
A pe vélamb hur sant Patron !
Revou hun hoant héli eùé
Er vertuieu ag é vuhé.

37. Lakamb é fé nerhus dalhmat
E pep penhér, é pep tiad :
Dré-z-hi hur parrès vou santel
El er huellan a Vreih-Izel.

38. El don laramb ol er beden :
Hi zou en alhué d'er hristen
Eit kavouit d'é gorf d'é iné
Er grès, er sekour noz ha dé.

39. Doh é skuir hoah, klaskamb erhat
Doh hun nissan bout ataù mat,
E péah geton dré hun doustér
Ha dré hun harp pe vou dobér.

PEDEN

40. O Sant Martin, dirak Jésus
Pen doh én nean ker gelloudus,
Héd hur buhé dihoalet-ni
Doh Satan hag é dreissoni.

41 Nivérus int hun trebilleu
En devalen men a zareu :
Reit d'emb p'hun és én oh fiars
Nerh-kalon, dihuen, konfortans

41. A pe zeï hun ér devéhan,
Deit de zigemer hun inean
Ha d'hi anbrug d'en eurusted
E bro er sent hag en Eled.

F. May

DISKAN ARAL :

Person J^{ot} Aignay

*O sant Martin patron karet,
A lein en nean doh omb sellet :
Goarnet-ni ol, hou pugalé,
Ha goulennet d'emb grèseu Doué.*

Mat de vout mollet.

Guéned, 25 Gouil-Mikel 1911.

E. LE SENNE,
vik. jen.